



Universitätsbibliothek Paderborn

**Cornelii Jansenii Ipreensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. I. Semi-Pelagiani docuerunt Christum aequaliter pro omnibus
mortuum.

urn:nbn:de:hbz:466:1-39351

C A P U T I I.

*De falsitate primæ partis Iansenianæ
Propositionis quintæ, assertionem mor-
tis Christi pro omnibus Semi-Pelagia-
nismi insimulantis.*

Prosperum S. Augustini Vindicem strenuum,
& Semi-Pelagianorum Debellatorem acerri-
mum disertè traditam reliquissime mortem Christi
pro omnibus omnino hominibus, atque à tramite
S. Augustini non deviasse convicimus. Proinde
nec Augustinus, nec Prosper Semi-Pelagianus
fuit, vel esse potuit. Augustini mentem infra ubi-
rius libaturis., Semi - Pelagianorum sensa de
morte Christi juvat ex Prospero, cui perspicua
fuere, prælibare , ut ad solis radios rutilet discrimen
Catholicos inter & hæreticos illos de Re-
demptionis beneficio differentes. Itaque sit

S E C T I O P R I M A.

*Semi-Pelagiani docuerunt Christum sine
delectu, & indifferenter, & aequaliter
pro omnibus esse mortuum.*

Semi-Pelagianorum nova placita de morte
Christi Augustinum docet S. Prosper his
verbis : *Universis hominibus propitiationem ,
qua est in Sacramento Sanguinis Christi , sine ex-
ceptione esse propositam , ut quicumque ad fidem &
baptismum accedere voluerint , salvi esse possint . . .
Ideoque omnem hominem ad credendum & ad ope-
randum divinis institutionibus admoneri , ut de ap-
prehendenda vita æternâ nemo desperet , cum volun-*

F f

taria

450 LIBER SEXTUS

tariae devotioni remuneratio sit parata. Nam , teste Hilario , censemabant nullam ita depravatam esse naturam , ut non debeat vel possit se velle sanari : propter quod vel sanetur quis à suā , vel si noluerit , cum suā aegritudine puniatur. Præmiserat : Quod enim dicitur : Crede & salvus eris , unum horum exigit afferunt , aliud offerri , ut propter id quod exigitur si redditum fuerit , id quod offertur deinceps tribuatur.

Et S. Prosper in carmine de ingratis cap. 10.

*Gratia quā Christi populus sumus , hoc cohibetur
Limite vobis cum , & formam hanc adscribitis illi:
Ut cunctos vocet illa quidem , invitetque , nec ullum
Præteriens studeat communem adferre salutem
Omnibus , & totum peccato avsolvere mundum.
Sed proprio quemque arbitrio parere vocanti
Judicioque suo , mota se extendere mente
Ad lucem oblatam , quæ se non subtrahat ulli.*

Et cap. 6.

*Cum sinè delectu seu lex seu gratia Christi
Omnem hominem Salvare velit , donumque vocantis
Sic sit propositum , ut nullus non possit ad illud
Libertate suā proprioque vigore venire.*

Itaque Semi-Pelagiani omnium Salvari Volentium sinè delectu , quos Medicum quæsitos , credituros suā libertate Prævidit , efficaciter iustificandorum Salvatorem venisse & pro omnibus illis efficaciter mortuum crediderunt : omnem gratuitam Christi gratiam , fidemque averfati. Atque sicut gratiæ Christi , ita gratuito ejus adventui ac Passioni fuerunt ingrati ; iisque adeò , ut nec Parvulos ex gratuitâ electione baptizandos dicerent , sed prævisâ eorum voluntate bonâ : & ideo aliquos non baptizari , quia prævisi sunt in bonâ voluntate non permanensi si viverent. Propter quem errorem Augustinus docet , eos plusquam Pelagianos exorbitasse , utpotè dicentes gratiam dari secundūm merita , quæ nec sunt , nequè futura sunt.

SEC-